

廣西通志



廣西通志



廣西通志卷一百六十七

經政略十七 兵制

秦

始皇三十三年發諸嘗捕亡人贅墻賈人略取陸

梁地為桂林象郡南海以適遣戍 史記秦本紀

漢

漢興踵秦置材官於郡國 文獻通考

和帝永元十四年五月丁未初置象林將兵長史

官 漢書和帝紀

和帝時南蠻或叛則置象林兵 通考

漢自光武罷都試而外兵不練雖疆場之間廣屯

廣西通志卷一百六十七 經政十七

增戍列營置塢而國有征伐終藉京師之兵以出

永和二年交趾九真二郡之兵至於反叛無亦罷

於奔命之過歟此其興充豫之卒孽象林萬里之

寇李固所以力爭也 同上

三國

吳多舟師而兵有解煩敢死兩部又有車下虎士

丹陽青巾交州義士及健兒武射之名步騭傳權

遣呂岱代隱騭將交州義士萬人出長沙 通考

晉

太康元年詔平吳詔悉去州郡兵郡置武吏百人

小郡五十人交州執陶曠上言交廣東西數千里

事變屬者六萬餘戶至於服從官役總五千餘家
二州唇齒唯兵是鎮又寧州諸夷接據上流水陸
俱通州兵未宜約損帝不聽 通考

宋

孝武帝罷南蠻校尉遷其營於建康 通考

隋

隋十二衛皆有將軍以分統諸府之兵府有郎將

副郎將坊主團主以相統治又有驃騎車騎二府

皆有將軍後更驃騎曰鷹揚郎將軍騎曰副郎將

別置折衝果毅 唐書兵志

謹案通考嶺南置折衝府三

廣西通志卷一百六十七 經政十七

唐

唐初兵之戍邊者大曰軍小曰守捉曰城曰鎮總

之者曰道嶺南安南桂管邕管容管經略清海軍

六曰嶺南道 唐書兵志

武德六年廢十二軍改驃騎曰統軍車騎曰別將

貞觀十年更號統軍為折衝都尉別將為果毅都

尉諸府總曰折衝府凡天下十道置府六百三十

四凡府三等兵千二百人為上千人為中八百人

為下置折衝都尉一人左右果毅都尉各一人長

史兵曹別將各一人校尉六人士以三百人為團

團有校尉五十人為隊隊有正十人為火火有長

志

桂管十五州乾元元年桂州刺史充經略軍使管
戍兵千人邕管十州長慶二年刺史充經略使管
戍兵一千七百人容管十州乾元元年刺史充經
略軍使管鎮兵一千一百人

舊唐書地理志

宋

太祖鑒唐末方鎮跋扈詔選州兵壯勇者悉部送
京師以備禁衛餘留本城鄉兵者選自戶籍或土
民應募所在團結訓練以爲防守之兵也廣南東
西有槍手土丁邕州有溪峒壯丁

通考

建隆以來之制水軍廣南路廣英賀封連康南雄

廣西通志卷一百六十七 經政十七

三

春廉白邕 澄海部循潮連海南雄英賀封端南

恩春惠桂容邕象昭龔蒙潯貴橫融化雷竇南儀

白欽鬱林廉崖儋內廣廉高藤梧英賀新蒙龔儋

係教閣 新招靜江邕 清化桂容邕象昭梧藤

龔蒙貴柳宜賓融化竇高南儀白欽鬱林廉瓊儋

靜江廣南路廣韶循潮連海南雄英賀封端新

康春惠桂容邕象昭梧藤龔蒙潯貴柳融宜賓橫

化竇高雷欽鬱林廉瓊

宋史地理志

開寶四年平廣南以其兵隸殿前司次等隸八作

司闕則選廣南諸州兵補之

大中祥符二年四月詔曰江南廣東西路流配人

等皆以自抵憲章久從配隸念其遠地每用軫懷

屬喬嶽之增封洽溥天之大慶不拘常例特示寬

恩江南路宜差內殿崇班段守倫就昇州洪州廣

南東西路差殿直閤門祇候彭麟就桂州與本路

轉運使同勾抽諸州雜犯配軍揀選移配淮南州

軍牢城及本城有少壯堪披帶者卽部送赴闕當

議近上軍分安排如不願量移及赴闕者亦聽若

地理遠處卽與轉運使同乘傳就依此揀選

五年詔廣南東西荆湖南北福建江南京西等七

路諸州府軍監見管雜犯配隸軍人等各差使臣

一人馳驛往逐處與轉運使副或提點臣僚知州

廣西通志卷一百六十七 經政十七

四

通判鈐轄都監監押同共簡選就近體量人數分

配側近州軍本城收管如年老病患委實久遠不

任醫治充役者放令逐便其少壯者卽差人管押

赴闕引見當議選配近上軍分如不願量移及赴

闕者亦聽其便仍於軍分量與遷改如地遠勾抽

遲延卽馳驛分路簡訖具析以聞

景祐三年詔廣桂荆潭鼎澧六州各置雄略一營

與歸遠軍更戍嶺外 詔廣南民家毋得置博刀

犯者并鋸人並以私有禁兵律論先是嶺南爲盜

者多持博刀杖罪輕不能禁轉運使以爲言故著

是令

荆湖路義軍土丁弩手北路辰豐二州南路全邵
道永四州皆置蓋溪洞諸蠻保據巖險叛服不常
其控制須土人故置是軍慶歷二年北路總一萬
九千四百人南路總五千一百五十人番戍諸砦
或以歲或以季或以月上番人給口糧

皇祐二年荆湖廣南益募雄略

四年五月詔廣西戍兵及二年而未得代者罷歸
鈐幣司以土兵歲一代之自儂智高之亂戍兵踰
二萬四千至是聽還而令土兵代戍

五年增置雄略指揮廣辰桂各二許全邵容各一
益募澄海忠敢雄略等軍以四千人屯邕州二

廣西通志卷一百六十七 經政十七

五

千人屯宜州千人屯賓州五百人屯貴州 詔廣

南捕蠻諸軍歲得歸營人賜錢二千月增俸錢二
百廣嶺陣亡及瘴癘物故者子孫或弟姪不以等
樣收一人隸本營者支衣廩之半

至和二年有馬雄略置指揮三廣桂邕各一

廣南西路土丁嘉祐七年籍稅戶應常役外五丁

點一爲之凡得三萬九千八百人分隊武行陣習

槍鏢排冬初集州按閱後通歲州縣迭教察視兵

械以防收刈改用十一月教一月罷俱同

仁宗時戍嶺南者增月奉自川廣戍還者別予裝

錢川廣通鋪卒或給時服錢屨屯兵州軍官賜錢

宴犒將校謂之旬設舊止待屯泊禁軍其後及於
本城通志

邕欽溪洞壯丁治平二年廣南西路安撫司集左

右兩江四十五溪洞知州洞將各占隣迭爲救應

仍籍壯丁補校長給以旗號峒以三十人爲一甲

置節級五甲置都頭十甲置指揮使五十甲置都

指揮使總四萬四千五百人以爲定額各置戎械

遇有寇警召集之二年一閱察視戎械有老病並

物故名關選少壯者填三歲一上 詔廣南教閱

忠敢澄海一營者卽本營遞遷兩營已上者營三

百人補五人二百人至三百人補三人二百人已

廣西通志卷一百六十七 經政十七

六

下補二人百人已下補一人止於副指揮使凡遞

遷滿三歲五階闕二三階闕一卽補宋史兵志

三年詔頃以東兵戍嶺南冒犯瘴癘得還者十無

五六自今歲滿以江淮教閱忠節威果代之

熙寧中王安石言募兵未可全罷民兵則可漸復

至於二廣尤不可緩今中國募禁軍往戍南方多

死害於仁政陛下誠移軍職所得官十二三鼓舞

百姓豪傑使趨爲兵則享甚易成於是蘇軾請訓

練二廣洞丁舊制一歲教兩月安石曰訓練之法

當什五其人拔其材武之士以爲什百之長自首

領已下各以祿利勸獎使自勤於閱習卽事藝可

成部分可立緩急可用

熙寧三年十二月樞密使文彥博等上在京及京東等路禁軍數帝參以治平中兵數而討論焉詔廣南東西千二百人為額 廣桂邕有馬雄略闕勿補十年以邕州住營兩指揮闕額移桂州依舊置

四年樞密院言不教閱廂軍撥併各帶舊請外今後招到者並乞依本指揮新定請受河北河東陝西京東西淮南各醬菜錢一百月糧二石春衣絹二匹布半匹錢一千冬衣絹二匹綱半匹錢一千綿十二兩廣東西清化除醬菜錢不支外餘如六

路

廣西通志卷一百六十七 經政十七

七

同治四年補刊

六年詔開封府畿以都保置木契左畱司農寺右付其縣凡追胥閱試肄習則出契是月又詔行於永興秦鳳河北東西河東五路唯母上番餘路止相保任毋習武藝內荆湖川廣並邊者可肄武事令監司度之後惟全部土丁邕欽洞丁廣東槍手改為保甲者則肄焉 廣南西路經略沈起言邕州五十一郡峒丁凡四萬五千二百請行保甲給戎械教軍隊藝出衆者依府界推恩補授奏可 七年十月中書條例司乞五路弓箭手砦戶除防拓巡警及緩急事許差發外其有擅差發者並科

違制之罪廣南槍手土丁峒丁依此法 知桂州

劉葵言舊制宜融桂邕欽五郡土丁成丁已上者皆籍之既接蠻徼自懼寇掠守禦應援不待驅策而近制主戶自第四丁已上三取一以為土丁而旁塞多非四等已上者三丁籍一則減舊丁十之七餘三分以為保丁保丁多處內地又俟其益習武事則當蠲上丁之籍恐邊備有關請如舊制便奏可 詔廣南東西路舊槍手土丁戶依河北陝西義勇法三丁選一餘州無槍手土丁者勿置 八年廣西經略司選澄海弩手赴桂林以新澄海為名

廣西通志卷一百六十七 經政十七

八

同治四年補刊

九年趙鼎征交趾入辭帝諭以用峒丁之法宜選募勁兵數千擇梟將領之以脅諸峒諭以大兵將至從我者有賞不從者族誅兵威既振先脅右江右江既附復脅左江兩江附則諸蠻無不附者然後以攻交人甚非難也 俱司

四月甲辰詔諸路募武勇赴廣西 宋史 宗紀

京東增置武衛軍四十二營分隸河北而以三千

人散戍東南嶺外惟廣韶南雄州常有戍兵工人

桂林以瘴癘間徙軍於全永 宋史 兵志

十年樞密院請邕欽峒丁委經略司提舉同巡檢總茲訓練之事一委分接歲終上藝優者與其曾

首第受賞五人爲保五保爲隊第爲三等軍功武藝出衆爲上蠲其徭役人材矯捷爲中蠲其科配餘爲下邊盜發則酋長相報率族衆以悍寇十一月詔邑欽丁壯自備戎械貧者假以官錢金鼓旗幟官給間歲大閱畢則歛藏之

熙寧以後之制雲翼分左右廂左三十四右二十二總五十六桂州二廣南路騎軍之額自靜山而下二步軍之額自水軍而下十並改號曰清化凡八十二指揮一萬二千七百人步驛循賀封梅康南雄潮韶城而廣端專循英春賀萌連康新封白湖靜山宜水軍廣惠英賀封連康南雄

廣西通志卷一百六十七 經政十七

九

春廉白邑靜江廣韶循潮連梅南雄英賀封端新康春惠桂容邕象昭梧藤龔蒙潯貴柳宜賓橫融化賓高雷欽鬱林廉瓊澄海韶循潮連梅南雄英賀封端南恩春惠桂容邕象昭龔蒙潯貴柳賓橫融化雷賓南儀白欽鬱林廉崖儋並於配隸申選少壯者新招靜江邑清化桂容邕象昭梧藤蒙龔潯貴柳宜賓橫融化賓高南儀雷白欽鬱林廉瓊儀安遠桂崇寧元年十月詔川陝招揀足額

元豐元年經略司請集兩江峒丁爲指揮權補將校奏可

二年廣西經略司言團結邕欽峒丁爲指揮一百七十五籍武藝上一萬三千六百七人詔下諸臣獻議措置峒丁事付會布參酌損益創爲規畫務令詳盡便於施行布乃請令鎮砦監押砦主同管轄兵甲使臣與巡檢等分定州峒總制立賞罰懲勸增置都巡檢使兩員分提舉及增首領丁壯歲閱之以武藝絕倫者聞量材補授詔增都巡檢使二員餘下熊本擇其可者施行之三年廣西路經略司言雄略澄海指揮闕額請以諸路配送隸牢城卒所犯稍輕及少壯任披帶者選補從之

廣西通志卷一百六十七 經政十七

十

四年詔團結東南路軍如京畿之法共十三將全邵永州應授廣西爲第九桂州爲第十二邕州爲第十三凡諸路將各置副一人東南兵三千人以下唯置單將

五年詔廣南保甲如戎濫故事自置裏頭無刃槍竹標排木弓刀蒿矢等習武技遇捕盜則官給器械

六年廣西經略使熊本言宜州土丁七千餘人緩急可用欲令所屬編排分作都分除防盜外緣邊有警聽會合掩捕從之詔樞密承旨司講議廣西峒丁如開封府界保甲集教團教法是年提

廣西路刑獄彭次雲言邑苦瘴癘請量畱兵更戌
餘用峒丁以季月番上給禁軍錢糧詔許彥先度
之彥先等言若盡以代正兵恐防農請計戍兵三
之一代以峒丁季輪二千赴邕州肄習武事從之
元豐中或請遣陝西路騎軍五百戍桂林者詔
遣在京軍馬以戍之

元祐元年詔陝西河東廣南將兵不輪戍他路
十月樞密院言東南一十三將自國將以來未曾
均定出戍路分欲除廣南東西兩路駐劄三將只
充本路守禦差使虔州第六將全永州第九將準
備廣南東西路緩急勾抽策應並不差戍他路十

廣西通志卷一百六十七

經政十七

十一

宜融

二月廣西經略安撫使都鈐轄司言乞
欽廉州係將不係將馬步軍輪差赴邕州極邊水
土惡弱砦鎮監柵及巡邏等處並乞
依邕州條例一年一替
古萬太平橫山邊隆砦鎮及左右江溪洞巡檢並
二年一替其諸州巡檢下一年一替從之

元符二年廣西察訪司言桂宜融等用土丁紮邊
防拓差及單丁乞差兩丁已上之家從之

崇寧四年廣南西路經略司請置刀牌手三千人
於桂州置營候教閱習熟分戍諸州 十一月廣
西路置刀牌手三千人於切要州軍更戍以寧海

名

大觀二年詔熙寧團集左右江峒丁十餘萬來自
廣以西賴以防守今又二十萬衆來歸已令張莊
依左右江例相度聞奏尙慮有司不知先務措置
減裂今條畫行下其所修法入熙河蘭湟秦鳳路
救遵行之

政和二年廣西都鈐轄司奏廣西兩將額一萬三
百餘人事故逃亡於荆湖南北江南東西寄招緣
諸路以非本職多不用心今兵闕六分欲乞本路
隣路有犯徒并杖已下情重之人除配沙門島廣
南遠惡并犯強盜兇惡殺人放火事干化外並依

廣西通志卷一百六十七

經政十七

三

法外餘並免決刺填從之

宣和七年三月詔廣南東西路地遠山險盜賊間
有竊發內郡戍兵往彼屯守多緣瘴癘疾病不任
捕盜又不諳知山川道里林壑曲折故盜不能禁
可令每巡檢下招置土人健勇輕捷者參戍兵之
半互相關防易於擒捕令樞密院行之

靖康元年詔廣西宜融二州實爲極邊舊置馬軍
難議減省且依元降指揮招置

上

建炎元年十二月增置廣西弓手以備邊

宋史高宗紀

三年七月詔江西閩廣荆湖諸路團教峒丁槍杖

手

四年八月罷提舉廣西峒丁俱同

建炎後禁廂兵威果安吉嘉興杭州平江常嚴鎮江

紹興慶元溫台婺處隆興江寧國南康潭永衡道

邵武建寧南劍全福興化漳汀雄略中興立吉

潭永衡隆興全福廣容靖安中興立全寶慶

澄海廣循連南雄封英德南恩惠潮藤容賀德慶

昭高欽雷宋史兵志

建炎後廂兵宜節中興在寶慶潭永武岡郴衡全

桂陽靖道沅清化中興廣西靜江二指揮

雄略中興四指揮澄海中興武岡全

建炎後鄉兵巡社建炎元年詔諸路州軍巡社並

廣西通志卷一百六十七經政十七

圭

以忠義巡社為名隸宣撫司後募鄉民為之每十

人為一甲有甲長有隊長四隊為一部有部長五

部為一社有社長五社為一都有都正於鄉井便

處駐劄紹興初罷之士豪建炎四年詔諸州守

臣募土豪民兵聽州縣守令節制後存畱強壯餘

並放散義兵紹興十年團集諸州名數不等後

皆以縣令為軍正民兵建炎二年每五十人為

一隊有長副一戶取一丁五丁取二丁淳熙十四

年三丁取一五丁取二十丁取三士丁紹興中

詔依嘉祐措置三時務農一時講武諸縣逐鄉置

教場自十一月起教至次年正月罷教保丁二

廣保丁每戶一名士丁父子兄弟皆在其數乾道

中以拘畱擾民罷之

建炎後峇兵廣西路賀州二峇臨賀富川昭州

四峇昭平雲峒西嶺直山俱同

紹興七年正月詔廣西帥臣訓練士丁保丁宋史高宗

八年廣西經略胡舜陟言數十年來武備弛廢土

丁老弱混雜嘗乞只就鄉村教習更不分番入州

縣已得朝旨於諸縣逐鄉置教場自十一月起教

至次年正月罷教輪差縣官檢點今以一路人數

計之士丁五萬一千八百九十六人保丁七萬六

廣西通志卷一百六十七經政十七

高

千一百五十九人若帥臣不變易更一二年必為

精兵詔依通考

十五年前知全州高樞言獠人今皆微弱不敢先

侵省地峇官每縱人深入略其財物遂致乘間竊

發宜詔與緡峒接壤州郡毋侵獠人庶使邊民安

業帝從其言宋史西南溪峒諸蠻傳

二十九年二月命廣西教閱崗丁宋史高宗

乾道二年詔士丁邕宜雅等州籍定姓名年甲年

五十則汰別選戶丁替通考

十年四月全州上言本州密邇溪峒又兼溪谷山

徑非止一途如靜江興安之大通盧武岡軍之新

寧益溪及八十里山永州之東安皆可以徑達溪

峒其地綿亘非一州得專約束宜徙開地巡檢兵

及分遣士卒屯諸溪谷山徑間俾湖南北廣西帥

憲總其役庶幾事權有歸號令可行宋史西南溪峒諸蠻傳

淳熙七年二月癸未詔撥廣西兵校五百人隸提

刑司宋史考

嘉定三年章戡知靜江府建議以為廣西所部二

十五郡三方鄰溪洞與蠻獠黎蛋雜處跳梁負固

無時無之西南最為重地邑欽之外羈縻七十有

二地里綿邈鎮戍非一請增置雄邊軍二百人及

調憲司甲軍二百隸帥宋史撫水先是部內郡

廣西通志卷一百六十七經政十七 五

邑有警輒移統府兵戍之在宜州者百人古縣半

之崇憲謂根本單虛非所以窒姦萌廼於其地名

置兵如戍兵之數而欽戎者以歸邑為邊要害地

自秋青平儂智高所以設扞防者甚至歲久浸弛

而溪峒日彊崇憲條上其議朝廷頗采其言宋史趙崇

傳

十一年臣僚上言廣南城隍摧圯不葺戍兵逃亡

殆盡春秋教閱郡無百人雖有鄉兵義丁土丁之

名實不足用宜於嶺南要地增築城堡籍其民兵
歲時練習定賞罰格以示懲勸詔從之宋史撫水
淳祐間李曾伯言備邊於廣右者數年以來講明

條畫一則曰戢約溪峒二則曰團結民丁監司帥

守之建明樞密行府之經畫與夫游談奏議率以

此為先務今者檢照前牘所謂戢約溪峒則類是

損濡沫之禮物給借補之資帖取名作帳狀曰已

令措置關險糾集保守其實相與羈縻而已稍有

實作區畫即生猜疑如融之大步嶺宜之隴柵寨

屋屢立蠻獠即焚前帥董槐侍郎同嘗見於申請

亦以惹事端為慮今官司戢約使之不為我梗論

令自保鄉井姑為籬落則亦可稍恃之固吾圉也

所謂團結民丁則沿邊民丁之在省地者有限居

溪峒者為多先儒所謂養兵數百而獲十萬民兵

廣西通志卷一百六十七經政十七 六

之用皆峒丁也往時邊州紀綱修明號令信服乃

得以疆理之雖其說如此蓋亦未嘗用之也况今

時異而事不同乎前帥蔡範侍郎嘗申陳民兵利

害亦慮邊民鄰境易致疑愕論述甚詳今官司團

結其間散在徭峒號召之既難使之自備器糧資

費豈易必盡得其首領之心然後可賴其壯丁之

力此姑用之以壯聲勢則可亦未可全恃之為吾

用也臣匪材被命此來所部尺籍既虛於此二者

亟討論措置乃職分所當先豈敢不加之意近略
檢照邑宜融三州二三年間案牘之所載溪峒之
在邕州則樞密行府嘗差邑倅黃夢龍者團結右

江唐興歸樂等州十八隘又新置古綱首領黃賢能等一十九隘宜州則守臣曹陳亦常結約天地蘭那等州峒首領羅光貝等一十二處融州則差曾有開結約所部諸款以路萬里多諸款首或遣以銀牌鹽錦或假以資帖名目或與之結立盟誓論以無事則守險隘有警則協力勦逐此近年溪峒之見於已行者也民丁之在邕州則已具之前項左右之所陳不暇遠攷近自淳祐八年經司嘗行下團結兩江諸州峒丁壯有江則黃夢龍具到名帳共計一萬九百六十二人左江則廖一飛具到名帳共計二萬二千六百人其本州民丁在外

廣西通志卷一百六十七 經政十七

七

如宜融兩州則淳祐五年亦有團結舊籍在宜州則有土丁民丁保丁義效撞丁共九千餘人其義撞一項可用在融州則有土丁峒丁大款丁保丁共九千餘人其款丁一項可用淳祐八年本司亦嘗行下團結却未見申到大率出於省地者以家業充丁或老弱或冗雜未免備數出於溪峒者多習於戰鬪如藥箭如標槍皆其所長此近年民丁見於已行者也臣抵此雖未久朝夕考求始末即欲申嚴行下屬以邕宜兩郡守皆將更易難以責之措置融守謝圖南近却申本司欲乘此農隙教練民丁已即從其所請勉之究竟矣第臣私竊過

計近自蜀西少緩窺闖之報便覺嶺右寔寬備禦之憂前項結溪峒團民丁纔一有所施為未免即生疑愕前者朝廷行下闡臣奉命經理上下知所遵承今臣雖為此來元未準朝廷指揮邊防戒飭一字臣若安於循習則失於先事而慮之防若亟於講行則恐有無事自擾之誚蠻獠環境動生猜疑舉動稍輕大係觀聽茲不容不謹如此臣欲具行下三郡各照已申經司之舊籍若溪峒則諭令首領遵守成規布恩信以示撫綏葺險隘以作隄備民丁則因其名帳常加覈實以彊壯而補老弱因閒暇以加訓練庶幾近年之所已行不至既久

廣西通志卷一百六十七 經政十七

大

而付文具俟其逐州申到或有合作更革措置又當隨時區處若州郡事力不及經漕兩司都當與之通融助給施行欲望朝廷剴下邕宜融三郡守臣遵守

續文獻通考

寶祐六年十二月丙戌詔置橫山屯辛丑詔李曾

伯城築關隘訓練民兵峒丁申嚴防遏

宋史地理

祖宗分置將兵廣西得二將焉邊州邕管為上宜次之欽次之融又次之靜江帥府元屯半將二千五百人又駐泊兵二千人効用五百人又殿前摧鋒軍五百人又有雄略忠敢等軍軍容頗盛無事足以鎮撫有事足以調發邕屯全將五千人以三

千人分戍橫山太平永平古萬四寨及遷龍鎮其
二千人畱州更戍宜州屯半將二千五百人乃靜

江一將之分屯者高峰帶溪北遐思立鎮寧諸寨

之戍乃多用天河思恩河池三縣之土丁而宜州

在城與夫溪峒都巡檢兵蓋不滿千人欽之澄海

與夫管界沿海二巡檢合集不過五百人而如昔

之戍出於峒丁抵棹之戍出於土丁融州著撥靜

江府馬軍二百人都巡檢兵亦不過二三百輩祖

宗時以廣右事力綿薄而邊防急切故歲賜錢一

百一十餘萬緡而諸郡稅賦以之養兵積威宜有

餘裕南渡以來歲賜已絕又歲取廣西鹽鈔錢四

十萬緡經總制錢數十萬緡歷年滋久故諸郡銷

兵以自足爾嶺外代答

邑欽與交趾爲境自昔二郡土丁雜官軍戍邊邑

州土丁戍邊之事未詳欽之抵棹寨以安遠縣土

丁百人更戍季一替厥後宜有南丹莫公晟之援

大觀元年始詔宜州土丁依邑欽例戍邊正兵長

戍二百人土丁更戍三百人以天河思恩河池三

縣土丁父子全不分番戍守其間河池一縣最近

高峰與南丹對境要害地也而河池一縣土丁止

可分爲兩番一季一替乃於腹裏之宜山忻城二

縣三丁抽一分爲三番月一替是則宜之土丁其

役更重於邑欽也宜之守臣屢請於朝乞差次過
柳象賓橫州土丁與宜之土丁更戍以紓極邊之
民不報而宜之戍至今不已

羈縻州之民謂之峒丁強武可用溪峒之酋以爲

兵衛謂之田子甲官欲用其一民不可得也唯欽

州七峒峒丁爲官戍邊蓋七峒權力弱於邑管故

聽命也

環羈縻溪峒置寨以臨之皆吾民也謂之寨丁靜

江府有桑江寨融州有融江寨武陽寨與潯江文

村茶溪臨溪四堡宜州有高峰寨帶溪寨北遐寨

思立寨鎮寧寨邑州有橫山寨溫潤寨太平寨永

平寨古萬寨遷隆鎮凡諸寨之戍或用官軍或峒

丁或寨丁寨官或巡防使臣或都監或諸寨或一

寨有長貳官屬是皆係乎寨之大小也

自儂智高平朝廷聯一路之民以爲兵戶滿五丁

者以一爲土丁二丁者以一爲保丁熙寧六年詔

依河北義勇例修立條制如禁軍置都虞侯已下

六階以隸之因其民之資序而爲之階級專屬經

略司調發其保丁則隸於州縣而以保正統之八

年廣西諸司乞以土丁教閱今保丁亦教閱也每

歲農隙會土保丁越州若縣教以坐作進退禮令

旗鼓之法一季而罷立法之意蓋以廣民影弱人

無固志若素教其民一旦有警則百萬之師可以
連集今乃州縣私役於教閱之餘喪失初意然有
不可不役者廣西城壁皆以土爲周覆以屋一歲
不葺多致腐壓爲郡將者先盡教閱之道以體立
法之意乃約城屋當用之工分部竭作不容私役
旬月集事卽日散之民亦樂從而不以爲勞矣
廣右効用蓋諸郡山川廣莫四方之姦民萃焉於
是諸部所在假強武之民以効用名之自王宣凌
鐵謝資爲變賴効用立功厥後經略司乃置効用
五百人於靜江自成一軍若諸郡効用散在民間
猶存而不廢

廣西通志卷一百六十七 經政十七

主

元

元開宣慰司元帥府於靜江自萬戶鎮撫等員率
聽調用省調十九翼軍分邊防守二年更代置屯
軍於隘口募兵耕種廣西隘口凡一百二十八處
獐寨十八處屯田九處合頭屯軍一萬八千三百
二十六各千戶十六所百戶一百一十六所於賓
州立萬戶府以總之

總之

考

至元二十年定兩廣四川戌軍二三年一更廩其
家屬軍官給俸以贍之

續通

元貞元年七月樞密院官奏劉二拔都兒言初鄂
州省安置軍馬之時南面止是潭州等處後得廣

西海外四州八番洞蠻等地疆界闊遠關少戍軍
復增四萬人今將元屬四翼萬戶軍分出軍力減
少臣等謂劉二拔都兒之言有理乞命通軍事知
地理之人同議增減安置從之

元史

二年九月甲午令廣海左右兩江戌軍以二年三
年更戌十一月戊辰以廣西戌軍悉隸兩江宣

慰司都元帥府

元史成宗紀

大德元年七月招收亡宋左右兩江土軍千人從
思明上思等處都元帥昔刺不花言也

元史

明

太祖爲吳王罷諸翼統軍元帥置十七衛親軍指

廣西通志卷一百六十七 經政十七

主

揮使司天下既定度要害地係一郡者設所連郡

者設衛大率五千六百人爲衛千一百二十人爲

千戶所百十有二人爲百戶所所設總旗二小旗

十大小聯比以成軍

明史

衛所之外郡縣有民壯邊郡有土兵聽邊民自修

軍械團結防邊宏治二年立僉民壯法州縣七八

百里已上里僉五人五百里四三百里三百里已

上二有司訓練遇警調發富民上直於官官自爲

募或稱機兵正巡檢司者稱弓兵嘉靖二十二年

增州縣民壯額大者千人次六七百小者五百二

十鄉兵者隨其風土所長應募調佐軍旅緩急西

南邊服有各土司兵湖南永順保靖二宣慰所部
廣西東蘭那地南丹歸順諸猥兵四川酉陽石柱
諸司宣力最多同

永樂初調湖廣貴州軍征廣西蠻遂留戍其地後
貴州軍以征麓川撤回獨留楚軍萬人分戍桂林
柳州平樂諸州邑其戍守梧州則粵東軍原以萬
數今減為三千永樂二十一年廣西備禦用湖廣
官軍五千不足復添五千分班輪戍百粵風土記

土司兵故精勁每遇警輒徵召行之既久兵日驕
恣總督尙書王守仁議更番戍守之法戍省者三
千戍梧者四千戍柳者二千地方小警以戍兵雕

廣西通志卷一百六十七 經政十七

重 同治四年補刊

宣德元年以伍籍空虛籍民兵編保甲有民款土
丁民壯之名鞍馬器械官給之錮役免丁而役其
志李

廣西額設指揮使司左右中前後五千戶都司鎮

守總兵官永樂中設兩江參將府衛所旗軍哨隊召募

等兵一千一百十二名嘉靖初年添設軍門標下四哨官

教師隊兵三百六名總府親兵雜流共二百四十

九名東南二營官兵三百四十九名標營界牌營

兵二百九名老營哨兵五十四名

桂林府中右衛指揮守禦千戶所官七十三員旗

軍二千六百三十七名

臨桂縣聽撥兵一百六十名嘉靖間添募守各堡兵一

百六十一名打手三十名目兵七十名

興安縣旗軍一百二十八名守城打手五十八名

守城民款五十八名縣役漢兵二十名守各堡隘

打手三十八名

靈川縣守城打手一百三十六名守各堡隘兵九

十九名

陽朔縣守城打手六十名守城民款五十名守各

堡隘兵三百三十四名

全州守禦千戶所官二十員旗軍二百七十八名

廣西通志卷一百六十七 經政十七

同治四年補刊

打手二百零六名守城民款十六名守各堡兵二

百六名

灌陽縣守禦千戶所官二十員旗軍一百八十六

名守城打手七十二名守各堡打手二十八名猥

兵三十二名

永寧州守禦千戶所旗軍二百六十七名哨長二

十六名隊長八十三名守各營堡兵一千一百八

十名守庫打手十二名

永福縣守理定牛擺江道打手三十五名目兵七

十名守各堡隘兵四百一十六名

義寧縣守城民款二十八名守石門堡民款二十

名

平樂府守禦千戶所官二十三員旗軍三百零八
名哨隊官兵共六百二十五名兵道聽用兵健三
十七名參將府隨補兵五十八名守各營堡哨長
十七名守各營堡隊長教師五十九名守各營堡
兵八百九十八名各哨船兵三百九十一名
恭城縣守城民款十名守名堡隊兵一百四十五
名勢江源土舍一名土兵十三名

富川縣守禦千戶所官一十六員旗軍二百名守
城民兵四十名守各堡兵一百四十七名

賀縣守禦千戶所官一十七員旗軍一百三十七

廣西通志卷一百六十七 經政十七

五

名守城民兵三十名守營哨長隊長共九名守各

營堡兵三百五十五名

荔浦縣旗軍一百二十八名守城兵二十八名守

各堡兵七十一名

修仁縣旗軍五十八名守庫兵八名守各營堡兵

三百四十七名

昭平縣守各營堡哨長八名守各營堡隊長二十

名守各營堡兵五百五十六名

永安州守西街堡目兵三十六名守舊縣堡兵三

十五名守各堡寨兵二百四十八名

梧州府總督府成化元年設守禦千戶所官二十七員

調桂林左前所旗軍一百名募兵四百名

蒼梧縣民款八十九名古攬堡打手二十五名守

各鎮營兵一千六百四十八名哨兵十七名

藤縣五屯屯田千戶所官七員五屯屯田軍八百五

十七名守各營兵一百六名

容縣守禦千戶所官二十員旗軍一百三十五名

守城民款二十五名巡江哨兵二十名守各營堡

兵二百三十六名

岑溪縣守城民款七十八名北科鎮兵七百七十

一名守右營兵七百三名

懷集縣守禦千戶所官一十九員旗軍二百四十

廣西通志卷一百六十七 經政十七

五

八名守城民兵一百名五里鎮打手一百八十二

名金鴉營哨隊兵二百八十四名馬練打手二十

名守各營兵二百二十名

鬱林州守禦千戶所官一十四員旗軍一百五十

五名守城民兵七十一名守外城兵三十八名守

庫樓民兵三十名守營哨長三名守各營兵一百

十二名

博白縣守城兵三十八名守城民款七十一名守

各營兵一百五十七名守坡心營民兵十三名

北流縣護解錢糧六狼總目兵七十名三營哨隊

兵一百一名守陸靜營兵七十一名守大車堡兵

十七名

陸川縣中左右哨官兵共一百九十八名四賀山口關兵二十名

興業縣守城民款九十九名興平營哨兵三十名守各營兵四十一名

潯州府守禦千戶所官一百五員奉議衛并向武千戶所官共一百三十八員旗軍二百四十四名各營堡募兵三百二十名鐘樓兵九名

桂平縣守各堡兵九十三名

平南縣奉議千戶所守城民款十五名守城關兵一百名守各營堡民款四十一名守各堡兵五十

廣西通志卷一百六十七 經政十七

三

名

貴縣守城民款六十名守城兵五十四名守堡寨民款十六名守堡寨兵二百八十六名

柳州府衛所并守禦千戶所官共一百五十六員旗軍七百一名內撥守羅城柳城共二十五名守城民款七十九名募兵三百五十一名

馬平縣守庫民款二十五名守各堡兵三百四十名

洛容縣守城隊長六名守城兵六十一名車營隊長六名車營兵九十六名民款八十名守各營堡兵一百三十五名

柳城縣旗軍五十四名守城民款一百六十九名守各堡兵二百一十三名

羅城縣旗軍十三名守城兵四十名民款八十名守各堡兵一百三名

懷遠縣守營堡哨長二十四名守營堡隊長一百二十名守營堡兵五百九名

融縣守禦千戶所守城民款七十六名守城堡兵三十七名守各堡兵二百二十名

來賓縣守禦千戶所旗軍六十七名守城民款二十名守各營堡兵二百八十四名

象州守禦千戶所旗軍一百八十七名守城民款六十五名守各堡兵一百三十三名

廣西通志卷一百六十七 經政十七

天

武宣縣守禦千戶所旗軍一百六十八名募兵九十六名

賓州南丹衛官二百二員旗軍一百六十六名參將親兵四十名守城倉庫民款一百八名兵道聽用民款二十三名守各營堡兵一千一百九十九名

遷江縣屯田千戶所官二十七員旗軍九名兵五百四十四名守庫兵五十二名守南營兵七十名

上林縣守城民款一百五十八名

慶遠府衛軍民指揮使司並守禦河池千戶所官

共一百七十五員衛旗軍七百五十六名河池天河荔波思恩俱本衛撥發守各堡隘募兵一千六十一名

天河縣旗軍十五名守各隘獵兵七十六名

河池州守禦千戶所旗軍三百四十八名三旺打手十八名守城募兵二十名守各堡兵一百九十五名

思恩縣守城民兵三十名守各堡兵九十名

南寧府守禦四千衛所官一百五十二員旗軍四百四十五名守堂庫兵九名守分巡道門兵二十九名總鋪營民款八名守各營兵一百七十名

廣西通志卷一百六十七 經政十七

元

宣化縣哨長八名守庫兵十七名堡兵共九十名隆安縣守城兵九十名守堂巡捕民款三十四名哨兵四十八名守隘兵二十二名

橫州馴象衛并五千戶所官九十員旗軍三百一十六名守城庫民款一百一十三名守關營兵一百三十四名哨長二十名兵一百六十三名哨兵八十六名雲表公館兵八名

永淳縣守城兵五十六名守城民款八十九名守西北角兵十三名哨兵十名守堡兵三十名

新寧州守城兵一百名守城民款二十四名守堡兵三十名

上思州守城民款三十二名

思恩府九土司按月輪守守城土兵七十名

武緣縣旗軍二百三十三名募兵一百六十四名

太平府所屬土州縣點撥守城土兵七十名

左州守城兵九十名守隘兵二十二名

養利州守城兵三十名守城民兵三十八名守城目兵三百名報效兵五十名哨兵一百名

俱同

廣西通志卷一百六十七

廣西通志卷一百六十七 經政十七

平